

北京日報

第百九十三册

代表人朱 淇

要件代論

二月初八日

安徽全省礦務總局章程

第一辦法 五節

- 一本總局係奉兩江督部堂安徽撫部院奏准開辦總理全省礦務一切遵照商部定章三十八條參酌本省情形辦理
- 二設礦務總局於省城即於總局內附設安徽全省礦務總公司凡招股等事均歸總公司經理
- 三本總局係屬奏辦應刊刻關防以昭信守今刊本質關防一顆文曰奏辦安徽全省礦務關防即於設局之日啓用
- 四設礦務分局於蕪湖皖境礦產皖南爲多水道運轉亦便即以蕪湖分局爲皖南各州縣礦務之總匯
- 五江甯應設安徽礦務招待所皖省紳商寓甯者衆即以此爲集議之地凡外省皖籍官紳商民如有條議礦事者或函寄皖省總局或寄江甯招待所

第二分職 五節

- 一通省礦務及本局用人行政一切事宜皆由總董主持辦理
- 二舉協董四人凡全省礦務事宜得以參酌可否以臻妥善駐局者酌給薪夫另舉議董十人均有議事之權其協董議董均應舉由督部堂撫部院咨部立案並照會各董
- 三本總局既係官督紳辦應請派安徽藩司爲監督將來開辦各礦其應納各項徵稅俱由監督隨時稽查以重稅務而資維持
- 四本總局管理全省礦務條理繁密事務紛綽將來用人不一其常川駐局辦事者應於協董以下暫派書記員一會計員一雜務員二其餘鑛師以及查勘開辦需人多寡均由總董隨時斟酌事之繁簡會商舉派
- 五開辦礦務一事自購地以至雇工無時不與地方交接擬按各州縣公舉紳富一二爲分董以資考察調護與本地官民隨時會商事件並分任隨地招股事宜

第三權限 五節

一本總局奏辦安徽全省礦務其全省礦產除由總公司集股籌辦外或由商民稟請集股開辦之礦皆須由本總局核議施行其有違照新章請領執照開設公司認礦勘辦者必須先行赴局報名入冊查明確無關碍地方情事及違悖部章之處方可照准

二查新章各省均應設調查局一所今既設有兩江礦務調查局即可與本局相為表裏第本局有招股開辦之責仍須切實探查自應另請礦師購備極深鑽地機器再行查勘確實以為實行開辦之地藉補調查局之不及

三凡商民已經開辦及已經議定之礦擬限於三個月內赴局呈明以憑稽核

四所開之礦或運道不優須建造鐵路或須與鐵路局所築幹路相接以達水口者應遵部定第二十二條礦章辦理

五商民集股開辦之礦有運到不便須自起鐵路者均先報由本總局妥議定再行建築以期與部章不悖

緊新聞

戶部裁吏最近之消息○戶部為預備裁撤書吏日前已飭司員趕辦編纂各書早經編就惟貴州司管理奏咨案件每年案卷不下千條件存卷亦有百餘件頭緒頗覺紛繁急難就緒現聞該司亦已將次編就并已釐訂詳細章程將部中一切事務劃各司分股辦理前日業已繕稿呈堂實行裁吏之期當不遠矣

請派翰林游歷○日昨政務處上一片奏請將翰林院編檢各員酌派赴東西洋各國游歷俾資觀感而開智識云

陸軍學生分等授官○福建陸軍學堂去歲業已畢業經閩督將畢業各生咨送來京由練兵處考試現聞練兵處已將各生考分等第擬分別補授官階昨日已繕具清單呈 御覽矣

俄使與約不用通譯○俄使璞科第來華日久深諳中國語言聞此次會議中俄條約不用通譯人員直接與唐侍郎談論故一切消息頗為秘密外間難于探訪云

浙撫電請堅持廢約○杭甬鐵路一事前經外部電致浙撫謂銀公司代表人以杭甬路事來見不妨接見握定主權以與磋商等語浙紳以草約既已逾期無可磋商之處欲保主權非廢約自辦不可故稟請浙撫力爭日來浙撫又來

一電仍請堅持廢約

浙紳力爭廢約電○浙紳因力爭杭甬鐵路除在本省稟請浙撫堅持外又發一電致政府云蘇杭甬路草約應即作廢全浙鐵路總辦湯壽潛為蘇杭甬路約事致外兩部電○北京外務部商部鈞鑒蘇杭甬路草約非契約一應廢議浙路而不一問浙之官民二應廢議從速而久擱不辦英商先自背棄其議三應廢光緒二十九年浙人擬自辦先勘江暨

入手盛大臣函促該商限六個月不辦此路作罷該商又恰默許廢議四應廢該商冀避民法而就國際不願與盛議既無原議安有接議五應廢昨英領謁浙撫妄謂草議係兩政府所訂無論英商與盛並非政府代表即屬全權即換

正約未奏未准亦無效力况一私法人踰限作廢之草議該商又指 上諭收回二字從速不速限辦我不收回尙復

何待查自念九年四月念八該商受盛函之日起計閱至九月念八為六個月限滿之契即蘇杭甬路收回之日三十

一年浙人完全自辦是以奉 旨允准舉紳集股附於浙公司立該商死灰復燃該領直以外交官干犯對等國

之內政權萬國無此法潛以奉諱緩過百日現已呈報勘辦該商如果爭執拮据且憤不可遏難保愚民一無衝突該

商實自激成其時勿以潛等代表浙路目為禍首急無擇語上陳湯壽潛劉景藻叩

留用人員未准○盛京將軍趙次帥前因奉省需才曾奏調湖南道員張鶴齡俞明順二員赴奉差委現湘撫廳中丞以

該員現有要差正資得力特具摺奏請將該兩員仍留原省補用政府以奉天自廢待舉在在需員未便聽該撫留用

故有 旨仍着前赴奉天云云

比使報告設立燈台○各國海面凡有礁石新建燈台燈船等項照例須知照各國海關通商水手人等知悉現比博使

照會外部現在比國奧斯達安退本爾海口設立燈船燈台譯送章程懇咨行各省海軍商船水手人等遵照外部已

通飭各省分別傳知矣

開復山東省河工員弁○山東省前因河堤坍塌會將在事員弁分別處分留省効力在案日前東撫楊蓮帥以此項河

工業已修築完固去歲獲慶安瀾特奏請開復各員處分原摺交部議奏現已經部核准於昨日復奏已蒙 俞允

江督銳意改良茶務○茶貨為中國出口大宗嗣因製焙未精以故銷路日形衰減江督周玉帥去夏曾派委道員周世

瑣前赴印度錫蘭等處調查茶務深得製焙之法擬招集資本二百萬兩開設公司如法仿製以改良茶務而振起商

業云

捐輸展限已交部議○粵督擬將兩廣三項花樣捐輸請予展限以資彌補已紀前報茲悉粵督以此項捐輸將屆期滿

故急于奏請特先行電達政府請為代奏聞已奉 旨交戶部核議

本京新聞

慶邸慎重交涉○聞慶邸日前傳知外務部凡關於中俄交涉信件照會均具繕一份送府呈閱至於電報無論某國有向中國要求之事先由本部譯出無論晝夜當送府呈閱云云

中俄議約近況○中俄議約一事近日所以不見進步係因中國所提議保全礦利及收回俄國侵地(如黑龍江沿岸數處地及琿春一大部)各問題及俄國所提議謀得黑龍江蒙古鐵路敷設權各問題彼此不肯相讓之故

政府會議要政○聞政府王大臣日前會議係因速飭編輯政治全書以為立憲考鏡之資並通飭蒙古地方練軍詳查蒙古可否開通商埠及位置出使任滿大臣之計畫

會審章程尚未議定○聞外部前將改良上海會審公堂章程交與駐京英使閱看現尚未得回覆

商部電飭鄂省整頓捐務○武昌近接商部來電謂湖北內地捐務名目繁多而包捐之人良莠不齊商民受困應須變通切實整頓等語鄂督張香帥接電後已飭江漢關道整頓一切矣

擬設郵政局於黑龍江○政府前因黑龍江將軍程德全奏稱省商內稱江省現在整頓庶務一切公文摺件最為繁要若僅由差撥人等投遞往返需時且多遲阻難免無誤公之處擬請設立郵政局應如何設立章程即請大部速與郵政總局妥定等語聞已照會赫大德計期商辦云

稟請開河不准○龍慶州至漳之小河中之多石灘其危險不下於蜀道行船者頗有戒心故龍慶土產雖饒以運道不易致令坐困不能行銷各省上年漳商稟請台灣林富戶出資十萬擬將該河道之石用砲轟平以利舟行而開運道法誠善也旋有某富商擬出資十萬將河道修平後須由伊於兩端河岸設立稅局所有船隻經行該河出入者船須船稅貨須貨稅藉以收回其墊出資本如蘇彝士河例漳州各商亦允遂議定章程及專利三十年期限目前赴京稟請商部存案茲聞商部批駁不准云

奏准停鑄十錢○戶部以天津造幣廠所鑄銅元現已陸續解部頗足以示流通所有京中錢局所鑄十錢應即一律停鑄以節糜費已諭知該局尅日照辦矣

警務加嚴○巡警部因京師近有謠傳警務遂異常吃緊聞已密札各巡局加派捕兵晝夜持槍在王公大臣住宅及使館附近嚴密巡邏並派本部司員及各局委員分班分段日夜稽查

准借操場○總布胡同淑範女學堂操場本與內城巡捕東園操場毗連現該學堂因操場窄小不敷學生體操之用特稟商工巡局請將該操場每星期借用三點鐘以資各女生講求體育由業經工巡局批准並酌派警巡每期到場照料以免閑人混入滋事

各省新聞

分設錦州陸軍糧臺○(直隸)北洋陸軍第二第三兩鎮開往奉省駐紮已誌本報茲宮保本擬於二月間開拔嗣因奉天屢次電催現已開往數營隨後陸續出關分屯奉天錦州昌圖三府惟行軍以糧餉為要因飭北洋督練處司道及陸軍餉局總辦陸硯香都轉籌議設立糧臺之所刻經議定以錦州地方地居衝要轉運便捷即在郡城分設陸軍糧餉局而以王饒生太守乾剛為該局提調不另設總辦仍歸北洋陸軍糧餉總局節制一切章程悉仿照駐京駐濟各分局辦理聞王太守昨已奉札於本月二十日赴錦以便布置一切云

解款光期電部○(安徽)皖撫誠中丞准江督周玉帥電開接部覆各省關解滙之磅款債款等項自三十二年正月解起每次應解先日電部查照當經行據滬道電復事在各省請分電各省照辦特此電達希即轉飭司關道局一體遵照等因中丞因此項辦法戶部曾有專電來皖業經札飭遵辦爰一面再抄督電行知司局一面據情電復玉帥查照農政局關場試驗○(四川)成都農政局開辦以來尚有條理許子純方伯因特委員督工開闢寶川局隙地為試驗場以備分科試驗

飭知煤礦遵章完稅○(湖北)上年商部因各省煤礦收稅歧異不能一律奏請飭下各省皆宜遵照部章完稅奉旨允准咨行到鄂刻聞洋務局轉奉上台札飭通知各屬一體遵辦

皖省又起教案○(安徽)安慶電云皖省霍山縣近來又起教案匪首張承金糾眾六百餘人往攻石教士幸石避往縣城蓋教士家張等又率眾往圍之
籌撥警部經費○(江蘇)鎮道近奉蘇撫札飭籌撥巡警部經費郭觀察覆稟云查鎮關向無外銷餉款所征洋稅及

洋藥稅釐等款如有因公需用必先詳奉咨部核飭方可動撥此項警部經費關係緊要可否於洋稅或洋藥稅釐內支撥作正開銷職道未敢擅便乞先行咨部核飭遵辦

擬遣散防粵鄂軍○(湖北)防粵武建軍本係由鄂調往刻以西事收平由粵撤回行將到漢上台已委王菊存太守元常同夏口廳馮韻軒司馬侯武建軍到漢卸安慎遣散並無名發餉一個月俾作川資回籍

江西虔南會匪竄入粵境○(江西)江西南安府屬之虔南縣近有會匪起事業已竄入廣東鄰境贛南道江道毓昌當即電請江撫胡中丞轉咨粵省會勘茲將原電錄下 虔南廳調勇格傷四匪槍斃匪首劉樹林起獲子藥及被禁

鍾賢良據供各匪會商狀官起事現竄入粵境請電會飭

新軍改編情形○(湖北)常備軍改編後計祇六標尚不足數故鐵路甲乙丙丁四營亦分別編入至今猶欠兵目擬俟添齊六標方能點驗成軍將來仍添二標分兩全鎮此舉當在下半年若六標成軍二月初即行點驗以便給餉云

商民組織鐵路銀行○(廣東)近日省城七十二行承認鐵路股份異常迅速除前由各行商認定股份外並於一月內即行如數招足股款亦陸續繳到現各小股銀兩已約於日內交齊並定於月內組織鐵路銀行以便收發各款項云

桂省蒐軍盛典○(廣西)桂撫李中丞於去臘二十六日親臨南門外大校場閱看冬操沈監督贊清亦率領各學堂學生排隊列侍於操場之側聽候簡閱李中丞先閱郭統領所部各營次閱隨營學堂學生打靶又次閱張統領宋統領所部各軍計所閱者為省防常備軍後營 新練常備軍第一標第一營 健字第六旗 常備軍隨營學生

省防常備軍右營 省防常備新軍右營 撫轅衛隊一旗 巡警軍隊 警察學生 高等學堂甲乙丙丁 四班學生 桂林府中學堂 臨桂兩等小學堂學生其省防常備軍左營前營健字三旗均赴平賀六塘防勤常備

新軍中左兩營均分紮全州興安一帶冬防緊要故未調回合操

各國新聞

歐洲留學生近事彙紀○(比利時國)近來歐洲留學界團體甚堅各國京城均已設立學會名為留歐中國學會每年由各學會公舉一處為總會本年總會係設在比利時蓋因賽會之故歐洲留學生大都附比可以就近會議一切并聞今年擬由比國總會出一報告內容有留生之調查歐洲各國教育之比較來歐之情形及招待之畧章比國

賽會之調查此書不日即可出版云並聞留歐中國學生擬歡迎政界政治大臣 此次五大臣之出洋考察政治於中國前途企望甚大現下留歐各學會擬公舉學生兼任考查編譯之責或政治或教育或各國社會情形分別門類集成一書以助諸大臣之考察云

滿洲博覽會出品協會○(日本)日本大阪商業會議所十一日午後二時特開滿洲博覽會出品協會到者八十餘人先由土居通夫濱田健次郎兩氏將經營博覽會一切報告謂開會期已定西歷五月一日起舉行三個月出品計分 工業 水產 機械 教育 農產 參考六部如有願出品者須於三月五日報明本會限四月一日至二十日止將出品運入會場云云次議組織出品協會辦理出品事務並派委員視察會場等事議畢散會後復開鐵嶺商

品陳列會出品人會議一切

墨國礦工罷市○(墨國)美洲墨西哥國礦利佛爾地方礦工齊行罷市有工匠六十二萬人無生意可作勢甚危急日本撤退滿洲駐兵之期○(日本)現聞日本駐紮滿洲兵隊擬在西三月底全數撤退

俄國波蘭亂事仍熾○(俄國)西報云俄屬波蘭境異常危急因各工人皆已罷工滋擾閭閻皆亂饑民羣起將各舖店酒廠搶劫一空

美國派員迎接中國欽差○(美國)現美政府特派毓臣詹克斯為專員前往舊金山大埠迎接中國考查政治大臣法國預備開仗○西電云法德已徵調各處後備各兵以備戰事法國駐屯地中海兵艦已備開輪

日本預備收買鐵路○(日本)日本所欲收歸公家之鐵路計有十五處兼日本鐵路山陽鐵路九州鐵路漢釜鐵路等在此舉因於軍事及工業上有重要關係之故綜計價值共需日金四百五十兆元將籌募新債以充此款云

英爵聲言不虐待華工○(英國)英國義利根伯爵云現伊并未有將特爾斯福稱之華工為奴之意且在新殖民地所施行之政策亦擬仿照坎拿大之所施行

件

清日實業協會規條

一今本會名稱曰清實業協會以寓當日之清兩國之各實業家組織而成
二本會以發達日清兩國實業保護日清兩國利權為目的其有緊要之調查則互相報告有弊害則互除之有困難則

救濟之諸如此類同人皆不得辭往返通信之勞蓋欲講究至當之規矩以便兩國實業家交易之事以聯兩國實業

三本會會員當區別為三類一會員二名譽會員三客員
四本會會員必從事於日清兩國之各項實業及利害上最有關係之兩國各公司銀行並個人之遵照第七條所定入會規則者方准與選以示限制

五所謂名譽會員者或極力援助本會使達其期望之目的可於總會定議時推薦之

六客員即贊本會之目的於本會發達之事能盡其力者可於委員會決議時定之

七欲入本會為會員者必本會會員有一人介紹之一人贊成之方可申明俟委員會集議時即行決定

八管理本會時務并會計上各項要公者由總會選任日清兩國委員各四人具委員之任期以一年為率

九本會委員復在委員中互選正副會長其正副會長或因事故未到則推委員中之年長者為代理會長

十會長於統理本會事務並會計一切之外有代表本會之責望

十一副會長或有事故或因他出未到可代會長辦理一切

十二本會特置書記若干名書記必經委員會之協贊由會長任命之又書記聽會長指揮辦理本會庶務並會計各件

十三凡帳務出入事件必由會長親蓋戳記以杜弊端其會計報告必經會員一人切實監查以後方可呈明總會核奪

十四本會每月聚會一次以篤日清兩國之友誼開講談會以期互換智識並議一切會務委員會無論何時由會長實認為必要之事可隨時召集會議

十五委員選舉之事每年執行一次會計及庶務報告每年舉行兩次

十六會中人有妨害本會之目的自辱會員之身分者可通知各會員於每月會議時以出席會員三分之二以上之贊成者定之即行除名

十七本會會員每年各捐會費洋七元限西歷每月二十日呈繳

十八本會會規之增補修正者必以出席會員之多數贊成而定但實欲增補修正者須先時通告各會員
十九實行本會目的必要之詳細規則可由委員會斟酌核訂

宮門抄

二月初七日刑部 都察院 大理寺 甯紅旗值日 吏部引 見六十二名 車王續假十日 廂黃蒙奏派稽
查備查 壇廟 派出奎順 孚琦 吉陞 德麟 祥年 樸壽 祥麟遞遺摺 召見軍機 溥興

上諭

初七日奉

旨王宗補授內閣學士兼禮部侍郎銜欽此

旨麒麟補授內閣學士兼禮部侍郎銜欽此

旨光祿寺卿著承佑補授欽此

上諭此次京察一等出人員著各該堂官再行出具切實考語交吏部帶領引見圈出之滿洲蒙古中書筆帖式等官
著歸入理事同知通判內遇有缺出與舊記名人員一體帶領引見漢軍漢員著交部以撫民同知通判等官分別選
用大理寺左評事王金綬太常寺丞兼讀祝官崇恩光祿寺署正勞啓祝付衛處主事德克精額順天府治中孫壽臣
唐古忒學司獎承慶內閣典藉蘇之龍宗人府委署主事定秀翰林院待詔朱桐太常寺讀祝官廖景存贊禮郎松
鍾裁缺國子監助教松廷文鼎周鴻鵬臚寺鳴贊額圖理長齡侍衛處委署主事春和鑾儀衛鳴贊鞭官海順欽天
監主簿司秉鈞司書陳壽圖俱著交部照例以應升之缺升用其內閣侍讀恩祐等二百七十六員俱著准其一等加
一級欽此

批摺摘由

二月初六日摺片

楊士驤各屬交代已結末結 戶部知道單並發 又青州滿營兵未折銀給發 該部知道 又二十七八年分民運
票引銷完票數分數報銷 戶部知道 又北運各州縣衛衛經徵二十六年分止雜商課錢糧 戶部知道 又試用
員到省期滿甄別 吏部知道 袁世凱 淮軍積欠商款無力籌還懇飭部給獎 戶部議奏 又請以呂調元補南

官吏部議奏 又委員補購戰馬敕部給票 兵部知道 又知縣毓英等分別改獎更正 該部議奏 儒林族
營舊教場地基租蓋棧房租價作為學費 知道了
吏部奏議覆熱河都統奏知州吳燾升補朝陽府知府事奉 旨依議 又議覆山東巡撫奏知縣徐壽彭等獎敘事奉
旨依議 又降調知縣楊保超等獎敘事奉 旨依議 又知州于俊年等更正原名事奉 旨依議 又議覆河南
省暫停分發二年事奉 旨依議 又議覆廣西巡撫等奏志琮等升補知縣等缺事奉 旨依議 禮部議覆
已故知州蔣師轍民主私祠改為官建議駁事奉 旨依議 又改鑄浙江山藩分防縣丞條紀繕模呈 覽事奉 旨
知道了 又上年冬季發過各處印信奏 聞事奉 旨知道了 御前乾清門吏部兵部各奏月摺均奉 旨換出
太常寺奏十六日祭 關帝廟十八日祭 文昌廟請 派贊引讀祝等官事奉 旨派出松鈺常混崇恩景存 又十
一日祭 社稷壇視祝片禮節事附比較時刻片二件奉 旨知道了 又行禮禮節事奉 旨知道了
交祭日如遇風雨 壇上神位謹用 神龕罩護事奉 旨知道了 又屆時如遇風雨請在 拜殿內行禮事奉 旨
知道了 又恭進齋戒銅人綠頭牌奉 旨知道了 又看版時刻綠頭牌奉 旨知道了 又留寺丞事奉 旨依議
雍和宮用過香燈地租銀錢數目事奉三件奉 旨知道了 正紅旗滿洲奏署佐領圖記事奉 旨依議 薩廉
等奏驗收崇聖祠等工覆奏事奉 旨知道了
政務處二件
工部核銷 福陵太妃園寢宮門工程銀兩 知道了 部察院 奏漢員一等保送 旨依議

奏稿

奴才趙爾巽跪 奏為整頓奉省田房稅契酌擬試辦章程恭摺仰祈 聖鑒事竊查奉省振興庶政籌款甚難況當
兵燹頻年民生重困未開之利不便故事搜求固有之財尤宜及時整頓查稅契一項本為大宗正款而從前辦法紛歧
弊端百出官則徵多報少民則隱匿欺蒙以致歲入正供半歸無著將何以釐積弊而濬利源現在直隸等省整頓田
房稅契均能歲籌鉅款以濟要需奉省需款孔殷各項稅契弊病尤重自應嚴定章程期歸畫一奴才統盤籌畫詳考奉
省就地情形參以各省辦法擬將民田旗地三園三種稅契統歸奉天財政總局經理以一事權而專責成舊日所用契

尾騎縫之價銀稅數可以分寫久成具文近年創行官紙民間艱於領用往往於投稅時始向書吏領取填寫情同二尾
亦屬有名無實反開索費之端應即概行停止一律改發戶管仍分民地旗地三園三種凡有特契投稅者均換給戶管
收執將原契黏於戶管存根使契存於官而不留於民庶大頭小尾及匿價偷漏諸弊均可不禁自絕亂後遺失契據各
戶亦准取保投稅填給戶管其納稅數目統按契價每百兩收稅銀五兩三錢以三兩歸公以二兩津貼辦公以三錢作
為補足庫平庫色火耗解費之用以上所定稅銀係因奉省大亂之後瘡痍未復故但化私為公並未加取於民將來如
需籌款再行援照各省加抽稅契成案隨時酌量奉明辦理從前州縣黏給民地契尾及前戶部填發旗地執照取費過
多茲亦酌中定為每戶管一張收稅銀一兩以一半作為紙張工本一半作為承辦書吏犒賞庶民書辦公有資不致
分外多取經此次定章以後如有再侵蝕隱匿諸弊官吏則從嚴懲辦旗民則照例發追務使弊絕風清收數日有起色
茲據財政總局擬就試辦章程十五條呈請具奏前來除分飭各屬試辦外所有整頓奉省田房稅契緣由理合繕章程
清單恭摺具陳伏乞 皇太后 皇上聖鑒訓示謹奏 硃批戶部知道單併發欽此
謹將整頓奉省旗民各地及三園稅契試辦章程十五條繕具清單呈 御覽 一奉天稅向分三種各府廳州縣
經征之民冊全征銀兩地銀米征地丈放園牧荒地為一種是為民地稅契向歸府尹衙門管經內外十五城倉經征之
米豆草束等項冊地及牛運米地為一種是為旗地稅契向歸 盛京戶部經管旗民房園墳園園欄為一種是為三園
稅契旗產向歸軍署戶司征收民產歸該管地方官征收自府尹戶部裁撤後民地旗地兩種均歸財政局經管現應將
旗人三園稅契一併改歸財政局經理以昭劃一所有收稅項統解財政局其有應行開支之款即由財政局照舊開支
一旗地三園地應赴財政局投稅民地仍歸該管民署投稅一切過割納糧旗地仍歸旗冊民地仍歸民冊以免牽混
一民地稅契向係黏給契尾旗地稅契二園稅契向均黏給執照現定一律改給戶管仍分旗地民地三園三種均蓋用
奉天總督關防由財政局編號轉發各屬行用戶管內照契填註買賣主姓名地段房間坐落四至及契價銀錢數目發
給管業其原契黏於戶管存根存官備考民間置買田產但在新章頒行之後應即以戶管為據倘僅執有契據未經投
稅換領戶管遇有爭訟官不為理仍照第六條章程分別罰辦所有舊日餘剩執照契尾未經黏用者一概不准再用
一三園稅契奏定章程每兩收庫平銀五分以三分作為正稅以二分作為經征經費其餘田房稅契均例定價銀一兩
收稅銀三分惟各屬辦公無資不免額外浮收現擬各現稅契一律按照契價一兩征銀五分仍以三分作為正稅二分

留作辦公經費並收三釐作為補足庫平庫色火耗解費如經征之員敢於定數外需索分文即照枉法受賄嚴懲治罪

一州縣請領契尾舊章每張呈解紙張工本銀五分其取之於民者或恐不止此數前戶部征旗地稅契每執照一張隨征照費東錢二十吊為數亦覺太多現擬酌中定為每戶管一紙概收紙張工本銀一兩仍以五錢作為紙張工本解局覈收以五錢留充承辦書吏辦公之費儘定章外另行需索分文即照書吏詐贓從嚴治罪 一此次定章後民間買賣田產房園應自立契之日起限二箇月內遵章投稅請換戶管其在定章以前未經投稅之契除四箇月內一律投稅未經黏尾僅用屬印之小契限六箇月內補納半稅均換給戶管收執儘逾限不稅概照漏稅定例治罪並追半價充公 一旗民典當田產房園往往並無年限擅賣作典弊端百出糾葛成訟貽累甚多嗣後典當之契應概以二十年為限逾限不贖即作絕賣令典主稅契過割請換管業儘典主屆限不稅亦照漏稅罰辦其定章以前已逾二十年之典契准再展限一年由原業主趕緊回贖逾限不贖概照新章辦理 一奉省自兵燹後民間契據如有遺失准其開具買賣主名姓原契價值並取具保地鄰切結黏同歷年糧串據實首報呈請給發戶管管業無論從前已稅未稅照新章照原價補完稅銀其新舊契據請換戶管以後如因事故遺失才准補領惟仍須補完稅銀以杜朦混 一旗民買賣田產房園應於原契內註明原領名姓及科則分數並於投稅時黏歷年糧串以便填入戶管立予過割免致抱名完糧混淆冊籍其原業義契亦應一併呈驗黏連存根備查儘所買田產房園如係一主而有二領者應按領名分立兩契以便過割 一旗民投稅契內所載房地價值如捏多作少與時價大相懸殊由官收買另行估變以杜取巧一契價如係錢數戶管內仍照原契填註不准折作銀兩覈收稅銀應照例契價制錢一吊作銀一兩計算統收現銀 一州縣審理詞訟如見有未換戶管之契即照例追罰治罪如不追治一經發覺即照有心徇縱例詳參議處儘定章後私印小契不給戶管侵吞稅銀嚴懲治罪 一民間逾限不稅之契或捏賣作典有心漏稅應由地方官諭令鄉保設法稽查並准賣主及知情之鄰佑親族中證地鄰人等告發追出充公之半價以五成給鄉保及告發之人充實以五成呈解財政局作為公用另冊按月呈報備鄉保人等挾嫌誣控照例反坐 一州縣經征契稅以光緒三十二年追為新案三十一年以前為舊案每月將征收數目分項造具四柱清冊隨同黏契戶管存根報財政局查覈如征稅銀較三十一年收數多至千兩以上者酌留一成辦公仍予記功調優以示鼓勵若不足額查明有無別項私弊分別記過撤案 一財政局存根原契不時由局遴派委員攜帶下鄉調驗如民間戶管內所載價銀多於存根內所載之數者即係州縣改寫契據侵蝕稅銀查明

係在何任即將該員照例嚴參治罪並照所蝕之數加二十追出入官奉 硃批覽欽此

馬亮片 再伊犁地方極苦百物昂貴所有文武各官弁及兵勇俸餉自減成支領後本已時形支絀復以各省歷年協餉積欠至四十餘萬兩之多遂致計授所需更形困乏奴才等利權不屬無術點金全賴新省撫臣藩司及餉所諸員先行借墊數年每遇新省庫儲告竭餉所辦事委員極力羅掘時為代假商款以應急需俾奴才等辦事從容得免遺誤實屬該員等不分畛域顧全邊疆從前歷屆邊防所有餉所出力人員均係彙入伊犁文職單內酌保迭經仰邀 聖恩獎叙本屆論功行賞既經欽奉 諭旨飭令分別酌保自應欽遵另案籲懇 恩施現經奴才等咨請新疆撫臣將出力人員咨送前來所有尤為出力之儘先選用直隸州知州車玉衡擬請免選直隸州知州以知府儘先選用其次出力之三品銜新疆候補知府甘曜湘擬請俟補缺後以道員用鹽提舉銜新疆候補通判朱瑞堉擬請俟得缺後以同知補用補缺後補用知縣蕭學琛擬請俟補知縣後以直隸州知州補用均出自 逾格鴻施除咨取履歷送部外理合附片陳請伏乞 聖鑒謹 奏奉 硃批覽欽此

謹將伊犁四載邊防在事其次出力武職各員繕具清單恭呈 御覽 計開 花翎補協領後加副都統銜新滿營正紅旗佐領伊勒噶春擬請先換副都統銜頂戴 花翎補用協領新滿營廂白旗佐領扎隆阿藍翎總管銜索倫營副總管福善察哈爾營左翼總管鄂玉泰察哈爾營右翼總管索托依額魯特營右翼總管綽依敦額魯特營左翼副總管庫克花翎借補伊犁軍標中軍分防守備補用遊擊周壽山以上七員均擬請 賞加二品頂戴 補副總管後補用總管錫伯營鑲白旗佐領額勒登泰藍翎補副總管後補用總管錫伯營正白旗佐領霍敏以上二員擬請先換總管頂戴 花翎三品頂戴儘先補用都司段祝三擬請俟補都司後以游擊補用 舊滿營鑲黃旗佐領烏勒西蘇舊滿營正紅旗藍翎世襲騎都尉景秀錫伯營佐領巴西里花翎索倫營正藍旗佐領業車本以上四員均擬請 賞加三品銜 花翎補用都司軍標左營分防守備馬高升擬請俟補都司後以游擊補用游擊用即補都司軍標左營右哨把總李萬年擬請先換游擊頂戴 花翎升用都司補用守備軍標中軍兼前旗左哨千總張兆杰擬請 賞加三品頂戴 藍翎准補伊犁霍爾果斯營守備張得勝擬請以都司即補 藍翎勒滿營廂黃旗防禦沙補布擬請以佐領即補 花翎儘先補用守備臧永順補用守備儘先拔補千總施占元以上二員均擬請 賞加都司銜 補用防禦索倫營廂紅旗騎校葉陳泰擬請 賞加佐領銜 守備銜拔補千總軍標中軍兼前旗右哨千總

夏經宣守備銜伊犁鎮標左營經制外委補缺後拔補千總王宏福守備銜補缺後拔補千總伊犁軍標中軍兼前旅巡
查經制外委劉傳征補用千總軍標中軍分防兼右旗左哨把總阮光福以上四員均擬請以守備補用 藍翎補把
總後補用千總軍標中軍分防兼右旗右哨外委余啟發藍翎守備銜補缺後千總儘先拔補把總張啓森以上二員均
擬請俟補千總後以守備補用 花翎防禦銜錫伯營廂紅旗藍翎伊林扎布擬請以防禦即補 新滿營正藍旗饒
騎校舒里春擬請 賞加防禦銜
謹將酌保伊犁四載邊防在事其次出力文職各員繕具清單恭呈 御覽 計開 花翎知府銜分省補用同知黃
樹葵擬請俟補同知後以知府補用 藍翎分省試用州判徐兆奎擬請俟補州判後以知縣歸候補班補用 不論雙
單月選用縣丞黃熙正何士薰以上二員均擬請俟補缺後以知縣用 府經歷銜賀家模王進德以上二員均擬請
以府經歷不論雙單月遇缺即選 縣丞銜銜姜富學擬請以縣丞不論雙單月即選 鹽大使銜銜黃森懋擬請以鹽
大使歸部即選 附生高杞年王佐廷均擬請以縣丞歸部即選 伊犁印務章東吏部筆帖式榮聯伊犁駝馬章京
部 帖式聯全舊滿營即補筆帖式奎亮以上三員均擬請 賞加五品銜 監生鍾劍擬請以筆帖式即選 選用
未入流王宗翰擬請 賞加六品銜 俊秀蕭永華王遐齡張遇澤郭振家沈鑾銘蕭泰階王履謙以上七員均擬請
以從九品歸部不論雙單月選用奉 硃批覽欽此

文苑

朱翁子負薪

潦倒風塵五十秋
析薪親負興偏幽
半肩紅葉雲遮影
四面青山雪滿頭
不是觀棋空執斧
且同垂釣亦披裘
蕭然吟梅道人稿

許元度采藥

幽棲北幹古山頭
采藥高踪仿阮劉
苦口愛嘗香一味
仙心爲覓壽千秋
琪花瑤草新栽種
明月清風不惹愁
聽澈祇園鐘響處
長生有訣靜中求

王子猷訪竹

手栽翠竹幾經秋
來訪濃陰左右修
入座許邀佳士未
到門待問主人不
何時可作柯亭笛
昨夜初回剡曲舟
喜報平安

開一笑凌雲隨步拜封侯

賀知章藝梅

鑑湖拜賜乞歸休
愛種新梅作臥遊
一曲亭邊花冷淡
四明山裡客清幽
老妻每笑林和靖
良友應呼王子猷
爲羨玉堂清品重
非材還要幾生修

戶部報告代收國民捐清單

捐戶姓名

銀數若干

醇親王

庫平足銀三百六十七兩七錢

醇親王長子溥儀

庫平足銀九十一兩九錢

溥貝勒

庫平足銀九十三兩九錢

曾習經

庫平足銀一百八十七兩八錢三分

李經野

庫平足銀一百八十七兩八錢三分

張允善

庫平足銀九十三兩九錢

那親王府頭等護衛松齡

庫平足銀十二兩

增福

庫平足銀九錢八分四釐

周錫田

庫平足銀九錢八分四釐

武鼎銘

庫平足銀九錢八分四釐

齊瑞生

庫平足銀九錢八分四釐

永清縣人常壽泉

庫平足銀十兩

恩廉

庫平足銀九錢二分

韋逢春

庫平足銀一兩

洵貝勒

龍洋一百五十元

溥大戴允格格二位

龍洋五十元

趙平一

高增文

賈樹銘

張廷元

正白旗熙麟戶部筆帖式

正白旗熙麟之母兀扎拉氏

正白旗熙麟之妻李氏

正白旗熙麟之女淑妝

又女僕王氏丁氏趙氏楊氏合捐

又男僕佟鳳朝裴玉曹占那李順于登雲合捐

又車夫趙元福謝永福合捐

又馬夫馮順

又廚役劉得成玉治合捐

通州李子楨

又 何崔氏

又 劉得勝

宋勳全家六口

錫梵僧墨禪

錫梵僧墨禪爲故父母周福壽周徐氏

曹國棟

吳瑞琨

翟鴻鈞

龍洋一元

龍洋一元

龍洋一元

龍洋壹元

龍洋二十元

龍洋三十元

龍洋八元

龍洋二元

龍洋二元

龍洋二元五角

龍洋一元

龍洋五角

龍洋一元

龍洋一元

小洋五角

龍洋十元

英洋四元

英洋四元

銅元四十九枚

銅元四十九枚

銅元四十九枚

銅元四十九枚